



Insteure leedjes

Reglement betreffende 't inzende en selektere van de vastelaovesleedjes beej 't Venloosch Vastelaoves Gezelschap JOCUS

Inkele veur alle betrokkene belangriéke data veur **seizoen 2019-2020** zien:

- Sloéting veur inzende van nije leedjes is op zaoterdaag 27 juli 2019 24:00 oor
- De rippetisie veur de veurseleksie: vriedaag 23 augustus 2019 vanaaf 18:00 oor in de Venlonazaal
- De veurseleksie: zaoterdaag 24 augustus 2019 um 18:00 oor in de Venlonazaal.

- Weej verzeuke ôg um de tekste en meziék te versteure via ônderstaonde link:
<https://jocusvenlo.nl/veurseleksie-aanmelde>

Veur vraoge kint geej maile nao: Mark van Soest, via veurseleksie@jocus.nl

Inzende van leedjes

1. Ein leedje wuurt **digitaal** ingesteurd nao ein door Jocus-Joekskemissie bekind gemak adres, mit inachneming van de sloétingstermien. Deze termien zal door Jocus vasgelag en bekindgemak waere door middel van de internetpagina van Jocus en eventuele andere media. Dees advertensie wuurt minimaal twië maond veur de vasgelagde en gepubliceerde sloétingstermien geplaatst.
2. De inzendingstermien is bindend en indig op de gepubliceerde datum um 24.00 oor.
3. De inzending deent te bestaon oét:
 - a. **De teks in Microsoft Word-formaat, lettertype Arial, 12 punts.** (De ingeleverde teks zal in eine standaard opmaak umgezatte waere en daonao ôngewiézig waere aafgedrök in 't teksbook. Type en/of spellingsfoute zien veur verantwoording van d'n inzender.) De teks zal inhoudelik gescreend gaon waere.
 - b. Ein in eige beheer opgenaome **digitale versie**, wao-op 't leedje einerzijds **Instrumentaal - vokaal** en anderzijds **Instrumentaal** verkorte versie, waobeej de instrumentaal-vokale opname inkel en allein meug waere ingezônge door de daadwerkelikke vertolkers van 't leed op de veurseleksie. In De verkorte versie meug bestaon oet ein couplet, maximal twië refreine en eventueel ein bridge.
 - c. **De melodielién in notenschrift veurzeen van teks en akkoordsymbolen**, die besteit oét duudelik laesbare akkoorde en symbole.

4. Alle inzendinge die neet voldoon aan 't gestelde ônder de dreej vurrige punte waere oétgeslaote.

't Heej geneumde môt taeves veurzeen zien van respektievelik de naam- en adresgegeaves van de komponis(te), de teksschriever(s) en de oétveurende artieste.

Veurschriif t.a.v. 't leedje:

- Idder ingezônde leedje meug eine maximale speuldeur hebbe van 4 minute. Binne dees aantal minute/secônde ziet geej vreej um ôg leed te componere t.a.v. 't aantal koeplette en/of 't gebroek van ein zgn. brök. Jocus Joekskemissie behelt zich 't veurrech um ein ingezônde leedje te diskwalifiseere as 't neet aan de heej in opgemaome veurschriifte volduit.
- Tekste deene te waere geschreve in 't Venloos dialek. As tekste of deile heejvan neet voldoon aan 't Venloos dialek, zal Jocus de inzender(s) heejvan in kinnes stelle. De teksschriever wuurt asnog in de gelaegenheid gebrach zien teks aan te passe.
- Ein leedje det gekaoze wuurt um door te gaon nao Jocus Leedjesaovend meug neet miër instrumentaal of tekstueel gewiézig waere. De inzending as zoëdanig is bindend in 't gehiële vervolgtrajek.

Veurschriif t.a.v. tekstdichter en componis:

- De op 't teksblaad of meziékblaad vermelde naam van teksschriever en/of componis is bindend veur Jocus, zoëwie de vaerdere naamsverwerking ten behoeve van de opnamestudio, de CD-lay-out en Buma-Stemra.

Veurschriif t.a.v. de zenger / oétveurende:

- De veur ein leedje opgegeave naam van de oétveurende zenger/zangeres is bindend;
- Ten aanzien van veurgaonde bepaoling meug gen gebroek gemak waere van eine commerciële groepsnaam;
- Ein leedje meug door maximaal veer oétveurende zengers / zangeresse gezônge waere;
- Eine zenger of zengeres deent minimaal 16 jaor te zien beej deilname aan de Veurseleksie.

Algemein: Jocus behelt zich 't gebroekersrech veur um de teks of meziék danwaal de titel van 't leedje veur eige doeleinde te gebroeke en/of te bewerke, zônder det dit mit de tekstdichter(s) of componis(te) wuurt aafgestump, mit inachneming van de bepaoling van de BUMA/STEMRA.

De veurseleksie Algemein:

- Veuraafgaond aan de veurselektie zal op eine door Jocus vasgestelde datum eine repetisieaovund belag waere;
- Toegang tot de veurselektie hebbe tekstdichter(s), componis(te) en oétveurende, die veurkômme op de liés van name beej de ingesteurde leedjes;
- Jocus behelt zich 't rech veur um in verband mit media-belange danwaal enig ander veur de vereiniging bepaolend belang, aaf te wiéke van de toegangsbepaoling.

De oétveuring van 't leedje:

- 't Leedje zal twië kíer waere gezônge, waobeej d'n twiède kier in verkorte versie zal waere oétgeveurd (zeen punt 3b);
- De start-volgorde wuurt door Jocus vasgesteld en is bindend;
- 't Leedje wuurt in zoéwaal de iërste as in de twiède rônde gezônge door dezelfde oétveurende.

De zjurie / zjuring:

- De zjurie zal op eine door Jocus vasgestelde aovend alle ingesteurde leedjes veurluustere;
- Oét alle ingesteurde en vertolkde leedjes waere op de daonao volgende veurselektie elf leedjes gekaoze, waoveur allein 't door de zjurie oétgebrachde punte-totaal per leedje bepaolend is;
- De zjurie besteit oét elf stungerechtigde persoëne, beejgestaon door eine neet stungerechtigde veurzitter;
- De zjurie wuurt door Jocus samegesteld en stump idder veur zich. Ônderling vindt d'r gèn euverleg plaats euver de leedje;
- In geval van ein ex aequo zal ut hoëgste en ut liëgste punt van de vakzjurie in mindering waere gebrach wies d'r ein punt verschil is.

De loëting veur de leedjesaovend:

- Tiedes bekindmaking van de elf finaliste zal ein loëting plaastvinde um daomei 't startnummer van de leedjesaovend te bepaole;
- De loëting alzoë verrich is en blief bindend.

De Leedjesaovend *De leedjesaovend is eine wedstriéd wao de elf winnende leedjes van de veurselektie ten gehuure gebrach waere, en wao-oét de veer winnende leedjes gekaoze waere en op zich daorum winnend vastelaoves-leedje van 't nieje seizoen meuge neume.*

Leedje 1 t/m 4 waere op de nieje Jocus geluudsdrager geplaats.

Algemein:

- De elf winnende leedjes waere in opdrach van Jocus veurzeen van ein volledig arrangement;
- D'n arrangeur wuurt door Jocus gekaoze en beneump;
- De ingesteurde melodiëlien is bindend veur 't arrangement. Jocus biedt hōlp en ôndersteuning aan idderein dae behoefte haet aan begeleiding (zeen punt 6 cōntacpersoën);
- Jocus hofkepél zal de leedjes speule op (a) de door Jocus vasgelagde repetisie-aovende, (b) de generale repetisiedaag en (c) de eigelikke leedjesaovend;
- De oétveurende zien verplich deil te neme aan de door Jocus vasgelagde generale repetisiedaag, mit inachneming van 't vasgestelde tiëdschema, kleidingveurschrifte en andere eventueel veurkômmende en bekindgemakde regels;
- Jocus haet 't rech um te beslisse op welke wiés d'n teks en/of meziék van de veer winnende leedjes veur gebroék in 't dao-opvolgende seizoen wuurt vermeinigvöldig.

De oétveuring van 't leedje:

- In euverleg tösse d'n arrangeur en de leedjesschriévers, kin d'r gebroek waere gemak van ein backing vocal groep. Dit is gen verplichting, maar môt waere gezeen as ein extra faciliteit van Jocus Hofkepel;
- Ein leedje meug maximaal 4 minute deure;
- Alle leedjes waere in de 1e ronde in zien gehiel ten gehuúre gebrach. Nao det de 1e rônde is gewaes, kriege we alle 11 leedjes nog ens in de verkorte versie te huúre, wie beschreeve ônder punt 3c.

Kleiding t.a.v. dames / hiére-oétveurende:

- Dames en hiére zien verplich in nette/gepaste kleier eur optraeje te verzörge.
- De kleiding zal neet aanstoétgaevend meuge zien.
- De oétveurende is verplich um de op de generale rippetisie gedrage kleiding ouk te drage op Jocus leedjesaovend.
- Beej de oétveuring van 't leed meug gen gebroék gemak waere van attribute en of kleijage die oétbeelding of oétstraoling guuëf aan 't vertolkde leed.

De zjurie / zjurering:

- Zjurering zal plaastvinde door dezelfde zjurie die ouk op de veurselectie de leedjes beoordeild haet.
- Jocus behilt zich 't rech veur um in neet veurzene situaties wiéziginge in de samestelling aan te bringe.
- Naeve de haufzjurie vind beoordeiling van de deilnemende leedje plaats door de vorstezjurie, ut publiek in de zaal en kinne d'r stumme waere gegaeve door middel van sms.

5. Stumme

Alle stumme waere apart getuuend en kinbaar gemak.

Toegang tot de leedjesaovend:

- De tekstdichters en of komponiste van de elf winnende leedjes veur de leedjesaovend hebbe de meugelijkheid um kaarte te risservere. Zeej kriege 2 kaarte zônder betaling.
- Tekstdichters, componiste en oétveurende die beej deilname van de veurselectie gen finalis gewaore zien, hebbe de meugelijkheid um kaarte te koupe of te risservere.

Jocus-Evenemente en CD-opname:

- De oétveurende(n) van de winnende leedjes op de Leedjesaovend zien verplich um op de aan eur kinbaar gemakde Jocus-evenemente acte de présence te gaeve um eur winnend leed ten gehuúre te bringe, volges de veurschifte en regelemente die geldig zien veur 't desbetreffende evenement.(zeen punt 6).
- Veurgaonde verplichting is geldig vanaaf d'n elfde van d'n elfde tot aswoensdaag.

- De oétveurende van de winnende leedjes op de Leedjesaovend zien verplich op eine door Jocus vasgestelde datum acte de présence te gaeve in ein door Jocus vasgestelde studio, wao 't leed zal waere opgenaome veur ein CD of ein ander geluuds-dragerproduuk, en waal gedurende ein dusdanige tiédspanne die nuuëdig is of nuuëdig geach wuurt um ein kwalitatieve gooje opname te make.

De meziekopname

- Naeve de opname van de meziek en teks van de veer gekaoze leedjes behelt Jocus zich 't rech veur ein willekeurig aantal andere leedjes heejaan toe te voege.
- Teksdichters en componiste kinne ein verzeuk aan Jocus richte um beej de opname(s) van eur eige produuk aanwezig te zien; Jocus behelt zich 't rech veur um aan de hand van 't aantal binnegekômme verzeuke plaatse toe te kinne.
- Teksdichters en/of componiste welke toegelaote waere tot de opnames ôntzeen zich van idder commentaar ten aanzien van de opnameleiding inzake arrangement, de wieze van oétveuring, kwaliteit en vaerder.
- Everal waarin dit regelement neet in verzuut zien de bepaolinge van BUMA/STEMRA van krach.

6. Begeleiding

Iddere componis, tekstdichter, zenger of zangeres dae behoefte haet aan begeleiding inzake van de geneumde wedstrijdelemente, oétveuringe, veurbereidinge etc. of andere vraoge haet, kint zich in verbinding stelle mit: Mark Janssen, tillefoon 0613833456.

Jocus evenemente

As winnend leedje van VVG Jocus (leedje 1 t/m 4 c.q. in ex aequo 1 t/m 5) gelde de volgende verplichtinge ten aanzien van 't verzörge van ein optraeje:

- Inscheete op de Mert veur 't Stadhoés; = ElfvanElf; *[11 november 2019]*
- De Groëte Prônkzitting (aovend); *[16 november 2019]*
- Clipprissentasie; *[n.t.b.]*
- Boeremoosbal (aovend); *[25 jannewari 2020]*
- Krense; *[26 jannewari 2020]*
- Kinder-familiezitting; *[n.t.b.]*
- D'n Hofbal (aovend); *[08 fibberwari 2020]*
- 't Matinee Musical (daag) en Matinee Veurbeej; *[09 fibberwari 2020]*
- De Träötprissentasie (nummer 1 op aanvraag) (aovend); *[10 fibberwari 2020]*
- Zitting Half Haenke (tösse 14.00 en 16.00 oor); *[12 fibberwari 2020]*
- De Seniorezittinge (twiej opein volgende aovende) (aovend); *[12 en 13 fibberwari 2020]*
- 't Jeugleedjesconcour (nummer 1 op aanvraag) (middaag); *[14 fibberwari 2020]*
- Vrinde van Jocus (aovend); *[14 fibberwari 2020]*
- Jocus Pocus (middaag); *[23 fibberwari 2020]*

- Op 't balkunke op Boerebroelofsdsdaag (op aanvraag ein van de veer leedjes op verzeuk van de Gemeinte Venlo). (middaag); [25 fibberwari miert 2020]
- Mutse aafzette (op aanvraag ein van de veer winnende leedjes op vastelaovesdsdaag middernach / op aanvraag) (nach). [25 fibberwari 2020]

Euverige Jocus/Jocus Toekôms activiteite op aanvraag

Veurneumde evenemente hebbe inzake ein optraeje ten alle tieje veurrang op alle andere contractuele verplichtinge elders. Op dees veurneumde evenemente deent gage-vreej acte de presence gegaeve te waere op eine door de Joekskemissie te bepaole tiéd van optraeje, welke tiéd bindend zal zien. Ten aanzeen van ein optraeje zal aan de deilnemer(s) ein geste waere gedaon.